



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Illvstri Regi Avogvniæ.

urn:nbn:de:hbz:466:1-20020

usque ad satisfactionem condignam per censuram ecclesiasticam sublato appellationis obstaculo inviolabiliter observari.
Datum ut in alia per totum.

In eundem ferè modum scriptum est Archiepiscopo Tyrensi & Episcopo Sydoniensi. In eundem modum scriptum est Tripolitano & Anteradeni Episcopis. In eundem modum scriptum est Nimociensi & Famagustano Episcopis.

JOHANNI REGI
Ierosolymitano illustri.

Epist. 66.
Super codem.

CVM inter Armeniae Regem illustrem &c. in eundem ferè modum ut in littera Patriarche Antiocheni usque occuparit, venerabilibus fratribus nostris Archiepiscopo Tyrensi & Sidonensi Episcopo nostris damus litteris in præceptis ut auctoritate nostra predicam excommunicationis sententiam tam apud peregrinos quam apud indigenas terræ solemitate publicantes, eandem faciant per censuram ecclesiasticam usque ad satisfactionem condignam sublato appellationis obstaculo inviolabiliter observari. Quocirca serenitatem regiam monemos attentius & hortamur quatinus pro reverentia beati Petri & nostra necnon & intuitu terræ sanctæ fratribus ipsis, quorum subsidium eidem terræ nocuit non modicum profuturum, ad recuperandum jura sua regium præstes auxilium & favorem, juxta quod supradictus Patriarcha suo discreto consilio duxerit providendum. Datum Laterani xiv. Kal. Iunij, anno quartodecimo.

In eundem ferè modum scriptum est ipsis super hoc. In eundem modum ut in littera Regis Ierosolymitani scriptum est universis tam indigenis quam peregrinis in Ierosolymitanis partibus commorantibus usque observari. Quocirca universitatem vestram rogamus attentius & hortamur, per apostolica vobis scripta mandantes quatinus &c. ut in eadem Regis Ierosolymitani usque jura sua vestrum præstetis auxilium & favorem, juxta quod supradictus Patriarcha suo discreto consilio duxerit providendum. Datum ut in alia per totum.

DECANO ET CONVENTVI
Casinensis.

Epist. 67.
De electione
Abbatis Casinensis.

CVM electionis confirmatio postulatur, is qui præsidet examinare debet & processum eligentium & personam electi, ut si canonicum processum invenerit & personam idoneam, electionem ritè celebratam confirmerit, quandoquidem unum

sine altero non sufficiat, sed necessarium sit utrumque. Licet ergo dilectum filium Admulphum Casertanensem omnes pariter elegeritis in Abbatem, quia tamē in ejus electione præter formam quam vobis præfixis processistis, & ipse, quamvis de industria plurimum commendetur, nobis tamen ad plenum cognitus non existit, volentes & traditionem canonican & consuetudinem apostolicam observare, tam processum eligentium quam personam electi examinare disponimus diligenter. Verum cum temporis instantis necessitas hoc exposeat ut ipse, qui de nostro consilio & mandato rector est vestri monasterij constitutus, ad ipsius regimen diligenter intendat, ne absente pastore vicinus lupus gregem invadat, volumus & mandamus ut urgente hujus necessitatibus articulo, se à provisione monasterij Casinensis personaliter non absenter, sed eò prudentius ad ejus gubernationem intendat quò propensius propter electionem de ipso factam ad ejus obsequium obligatur. Nos enim, cum viderimus opportunum, ex causa quam vobis magis subintelligendam quam exprimendam relinquimus, tam ipsum quam quosdam è vobis ad nostram presentiam curabimus evocare; ut diligenter examinatione præmissa, in hoc negotio procedamus sicut Domino inspirante noverimus procedendum; id vobis ex speciali gratia intimantes, quòd quantum cum Deo poterimus, vestris desideriis concurremus. Quocirca devotioni vestrae per apostolica scripta præcipiendo mandamus quatinus in vestro laudabili proposito persistentes, & contra electionem ipsam nihil penitus attentantes, taliter illi adesse curetis, reverentiam & obedientiam ei debitam impendendo, quòd ipse vestro suffultus auxilio commissum sibi officium utiliter exequatur, & nos interim prudentiam & honestatem ipsius valeamus plenius experiri. Datum Laterani ii. Nonas Iunij, pontificatus nostri anno quartodecimo.

ILLVSTRI REGI * AVOGVIAE. Cit. Celsi

REx noster potentissimus Iesu Christus, qui dominatur à mari usque ad mare & à flumine usque ad terminos orbis terræ, postquam pro redemptione humani generis semetipsum exinanivit, formam servi accipiens, & mortis demum angustias spontanea voluntate subiit, in cruce positus sacratissimi sui corporis brachia expansa tenuit, ad signandum quòd non solum postquam assumptus esset, omnia, prout

prout promiserat, traheret ad seipsum, verum etiam suæ fidei sectatores in hereditatis suæ subsidium, in qua salutem fuerat operatus, affida imitatione vocaret; ut ad ipsius patrimonium defensandum anxia devotione concurrerent, pro quorum redemptione pretiosissimi sui sanguinis pretium ineffabili pietate persolvit. Propter quod univerſos Principes Christianos, qui sub ipsius tuitionis umbraculo salubri dispositione proficiunt, tanto sollicitius ad terræ Ierosolymitanæ subsidium intendere convenit quanto ex eo quod ini-
mici Christianæ fidei conculcantur, non tam apud homines tituli eis laudis accrescent quam apud celestem dominum, cui militant, æternæ retributionis præmia cumulantur. Cum igitur, progenitorum tuorum vestigia inhærendo, ad patrimonium Iesu Christi contra perfidos detentores ipsius tam devotè quam potenter insistas, propter quod devotionis tuae propositum dignis in Domino laudibus commendamus, cœlitudinem tuam rogamus attenitus & monemus, in remissionem tibi & tuis peccatum in jungentes quatinus inspiratum tibi divinitus tua salutis propositum per amplius & perfectius prolequaris ad pagorum perfidiam comprimendam; ut per inquietudinem sollicitudinis temporalis, æternæ felicitatis quietem tibi valeas comparare, ac is pro cuius obsequio laboras in terris, in participium sui regni te admittat in cœlis. Datum Laterani vii. Idus Junij, anno quartodecimo.

*NOBILI VIRO SOLDANO
de Alapia, ad veritatis pervenire notitiam,
& in ea salubriter permanere.*

*Commendat ci-
punctum
Antiochenum*
Sicut veridica multorum relatione dicimus, et si nondum Christianæ religionis fusceperis sacramenta, fidem tamen catholicam veneraris, in multis Christi fidelibus deferendo. Vnde de illius immensa pietate confidimus quod te suæ visitationis radiis illustrabit, ut gratia divinæ cognitionis accepta, ad cultum æterni & veri Dei, qui pro salute hominum factus est temporaliter versus homo, devotus aspires. Quapropter in nomine Iesu Christi te attentius exhortamur quatinus justitiam excolas & diligas veritatem, quæ in salutis semitam dirigen gressus tuos, & venerabilem fratrem nostrum Antiochenum Patriarcham, quem suæ probitatis intuitu inter ceteros fratres & coepiscopos nostros sincera diligimus in Domino caritate, habens ob reverentiam nostram propensiūs

Tom. II.

commendatum, ipsum & Ecclesiam ejus non permittas, quantum in te fuerit, ab aliquibus indebet molestari, quin immo eidem exhibeas auxilium & consilium opportunum; ut per hoc divinæ majestatis gratiam & apostolicæ sedis favorem tibi valeras comparare. Datum Laterani vii. Idus Junij, pontificatus nostri anno quartodecimo.

*P E T R O P A T R I A R C H Æ
Antiocheno.*

Cum præter decem & octo præbendas, quæ in Ecclesia tua esse noscuntur, duas ex novo de redditibus mensæ tuæ creare disponas & de tuorum Canonorum assensu statuere, ut vicefimo Canonicorum numero eadem Ecclesia sit contenta, fraternitatì tuae, de cuius discretione plenam fiduciam obtainemus, per apostolica scripta mandamus quatinus id super his, sublatu cuiuslibet appellationis & contradictionis obstaculo, de tuorum Canonicorum assensu constitutas quod animarum saluti & ejusdem Ecclesiae utilitati videris expedire. Datum ut in alia.

E I D E M.

Cum quædam possessiones Ecclesiae tuae deteriorata sint plurimum propter guerras, & concedendi easdem in emphyteofia vel ad firmam à nobis licentiam duxeris postulandam, fraternitatì tuae, de cuius discretione plenam fiduciam obtineamus, per apostolica scripta mandamus quatinus super his ad Ecclesiae tuae commodum cum Capituli tui assensu facias quod videris expedire. Datum ut in alia per totum.

E I D E M.

Si terra illa, in qua vera pax nostra Dominus Iesus Christus, qui fecit ultra. Epist. 72.
que unum, pro salute humani generis nasci dignatus est, illo perturbante qui noviter universa penè orbis terræ fundamenta commovit, pressuris diversis exponitur, perturbationibus conquassatur, & impugnatur etiam ab inimicis nominis Christiani, non sic tuus animus debet pro his deici & interius commoveri quin te taliter per spiritus fortitudinem ad tentationes exponas quod idem circa tribulationes hujusmodi potius dilatetur, in infirmitatibus gloriando, quia fidelis Deus, qui non patitur servos suos ultra posse tentari, te ac alios, quorum fidem per instantem tentationem examinat, consolabitur citius quam creda-

Yyy